

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Rituale Sive Obsequiale Ecclesiae Et Dioecesis  
Constantiensis**

**Constantiae, 1686**

Ordo inungendi infirmum tempore summae necessitatis, vel pestilentiae

[urn:nbn:de:bsz:31-132849](https://nbn-resolving.org/urn:nbn:de:bsz:31-132849)



O R D O  
**INUNGENDI INFIRMUM**  
 TEMPORE SUMMÆ NE-  
 cessitatis, vel Pestilentia.

Ingrediendo locum, ubi jacet infirmus, Sacerdos dicat.

**P**Ax ✝ huic domui. Et omnibus habitantibus in ea.

Antiphona.

**B**enedic Domine domum istam, & omnes habitantes in ea, quia tu Domine dixisti: Pax huic domui. Benedic Domine timentes te, pufillos cum majoribus. Benedicti vos à Domino, qui fecit cœlum & terram.

O remus.

**O**Mnipotens, & misericors Deus, qui Sacerdotibus tuis tantam, præ cæteris, gratiam



tiam contulisti, ut quicquid in tuo nomine, ab eis dignè, perfectèque agitur, à te fieri credatur, quæsumus immensam clementiam tuam, ut quicquid modò visitamus, atque benedicimus, intercedente Beata Maria virgine, cum omnibus Sanctis tuis, visites, & benedicas, fiatque ad nostræ humilitatis introitum, fuga dæmonum, & angeli pacis ingressio; Per Christum Dominum nostrum. Amen.

*Tunc lotum pollicem, vel spatulam intingat in sacrum oleum, & per modum ✝ crucis liniat obvium sensus organum, & ad unctionem magis expositum, vel oculos, vel aures, vel nares, vel os, vel manus, & dicat:*

**P**er istam sanctam unctionem ✝, & suam piissimam misericordiam, indulgeat tibi Dominus noster JESUS Christus, quicquid per visum, auditum, odoratum, gustum, & tactum deliquisti. Amen.

*Deinde bombacio, vel stupâ, abstergat locum inunctum, & pollicem, vel spatulam, & subjungat hanc benedictionem.*

*Bene-*



**B**enedicat ✠ te Deus Pater, qui te creavit; Benedicat ✠ te Filius Dei, qui pro te passus est in cruce; Benedicat ✠ te Spiritus sanctus, qui in te effusus est in baptismo; Benedicat te Deus Pater; sanet te Filius Dei; Illuminet te Spiritus sanctus, corpus tuum custodiat, animam tuam salvet, cor tuum irradiet, sensum tuum dirigat, & ad supernam vitam te perducatur; Qui vivit, & regnat per cuncta sæcula Deus. Amen.

Ultimò valedicat ei dicendo.

**B**enedictio Dei Patris ✠ omnipotentis, & Filij, & Spiritus sancti, descendat super te, & maneat semper. Amen.

